

ابونه فیثاتی

ممالک عثمانیه ایله بلغارستان بوسنه  
هرسک مصر ، قبریس  
و کرید ایچون  
سنه ۱۲۰ آلتی آیلنی ۷۰  
غروشدن  
استانبول ایچون سنه لکی ۱۰۸  
غروش

# فولکلر

صاحب و مدیر مسئولی  
قبریسلی درویش وحدتی  
امور تحریریه ایچون مدیر مسئوله  
مراجعت اولنور  
آدره سی :  
یرمه باتانده ساقی بک مطبعه سی

اتحاد محمدی جمعیتک مروج افکاریدر

۴ شباط ۱۳۲۴ شباط ۱۷ ۱۹۰۹

چهارشنبه

۲۶ محرم ۱۳۲۷

## جمعیتہ اعضائک قبولی و صورت خروجی :

- ماده ۵ — جمعیتک شرطنامه سنی قبول  
ایله احکامنه اتباع ایدن و شرعاً سن رشد  
واصل اولان هر فرد مسلم جمعیتہ داخل  
اوله بیلر .
- ماده ۶ — جمعیتہ دخولنی شفاهاً و یا تحریراً  
طلب ایدن کیمسه جمعیتہ منسوب بر اعضا  
ویا خود غزته دلالتله اعضا لیه قبول  
اولنور .
- ماده ۷ — اعضادن هر بری ایستدیکی  
زمان جمعیتی ترک ایتمکده مختاردر .
- ماده ۸ — جمعیتہ قارشی هیچ بر اعضائک  
تعهدات نقدیه سی یوقدر . ارزوی وجدانی  
ایله اعطا اولنه حق اعانات نقدیه و هدایامع المنونیه  
قبول و جمعیتہ واردات قید اولنور .
- ماده ۹ — شریعت احمدیه مخالف  
حرکتده بولنالنر ، واقع اوله جوق تنیہات  
مشروطیه رغماً اصلاح نفس ایتیوبده اصرار  
ایدرسه مجلس ادارنک اکثریت آراسیله جمعیتدن  
اخراج ایدیلر ، اخراج ایدیلان اعضا ایسترسه  
مجلس عمومی به مراجعت و مسئلہ بی اکثریت  
قطیہ آرا ایله حل ایتدیر بیلر . جمعیتدن اخراج  
ایدیلان اعضا بالآخره اصلاح نفس ایتدیکنی  
اثبات ایدرک یکیدن اعضا قید اولنور ایسترسه  
ینہ قبول ایدیلر .

و بتون لواء محمدی التندہ بولنان عالم اس لامیتی  
تعرضدن صیانت ایلیمک .

ماده ۳ — جمعیتک ساحه فعالیتی بتون  
ممالک اسلامیہ بی احتوا ایدر .

ماده ۴ — ایکنجی مادهده کوستریلان  
مقاصده وصول ایچون جمعیتک وسائط  
اجرائیه سی بروجہ آیدر :

( ۱ ) اتحاد محمدی و مجلس مبعوثان حقندہ  
موضوع بحث اوله جوق مسائل ایچون بر محل  
اجتماع ده شرع شریف دائره منجیه سندہ  
جمعیتہ منسوب عام و مشایخ و سیاسیون جانبندن  
خطبه لر و نطق لر ابرادیلہ اجرای مذاکره ایتک  
( ب ) جمعیتہ مخصوص محل اجتماعده فضلا  
منسوبین طرفندن علوم دینیہ ، اخلاقیہ ، سیه  
سیہ ، اجتماعیه و احوال جاریہ به متعلق درس  
صورتنده و عظمر و یرمک :

( ج ) جمعیتک فکر و مسالکنی تفهیم و تعمیم  
ایچون موقوف و غیر موقوف رسائل و مروج  
افکاری اولمق اوزره ترکیه ، عربجه ، فارسجه  
والسنه سائرجه غزته لر و اوراق متنوعه طبع  
ایتدرمک و کذا بومقصدله اجتماع عمومی لر  
ترتیب ایلیمک ،

( د ) عین مقصدله طشره لرده و بلاد  
سائرہ اسلامیہ ده تشکل ایدن شعبه لرله تعاطی  
مخابرات ایله اورالرده بوقیل نشریات میدانه  
کتیرمک و اجتماع لر ترتیب ایتدرمک .

## اتحاد محمدی جمعیتی •

نظامنامه سی

جمعیتک اسمی ، مقصدی ، ساحه فعالیتی و وسائطی :  
ماده ۱ — جمعیتک اسمی « اتحاد محمدی  
جمعیتی » در ۱۳۱۷ سنه هجریه سندہ دار الخلافه ده  
تشکل ایتشد .

ماده ۲ — جمعیتک مقصدی ، ممالک  
خلافته و سائر بلادده متکین عناصر مختلفه  
اسلامیه نیک تهذیب اخلاقه و اجتماعی ترقیاتنه  
باعث یکانه اولان قرآن کریمک شریعت  
مطهره نیک الیوم القیام تأمین دوامنه سعی و غیرت  
ایلیمک و کافه مسلمینک فعالیت سیاسیہ و اجتماعیه  
لرینی تزیید و توحید ایتک و شرع شریف  
و قانون اساسی منیف ایله مؤید اولوب دار -  
الخلافه ده تأسس ایدن اصول مشورتی حرز  
جان بیلهرک محافظه ایلیمک . ممالک عثمانیه ده  
قوانین حقوقیه بی محله احکام عدلیه  
مشمول بولندیکی کبی کتب فقهیه دن  
بالاستنباط برده جزا قانونی و قوانین سائرہ  
مقتضیه میدانه کتیردرک مجلس مبعوثانه عرض  
ایتمک و تصدیقه اقتران ایتسنه چالیشمق و بتون  
حرکات و سکناتمزی شرع عشریفله تعیین ایتک و بو  
صورتله استقبالدہ ، ممالک عثمانیه ده محاکم نظامیه لرده  
قوانین شرعیہ نیک دستور العمل اولمسنه غیرت ایتک ،

ماده ۱۰ — جمعیتدن کرک اختیاریه کرک بلاختیار چقان اعضا اوزمانه قدر جمعیه اعانه وهدیه ناميله برشي ویرمئن ايسه استرداد ایدمز .

اشبونظامنامهك دیگر مادهلری تشکیلات اداریهیه تعاقب ایتدیکنندن نشرینه لزوم کورولماشدر . مقصد عمومی ، ونظامنامهك دیگر مادهلری خصوصی اولدیغندن یاامکزافراده توزیع اولمنسی تحت قراره انمشدر . جناب حق موفق بالخير بیورسون امین .

### دور حریتی یوقسه استبدادی

غزتهمز رسمی اولسیدی حر مملکتلره حریتیزی کوسترمک ایچون امریکا ، انگلیز ، فرانسه ، اسویچره ، یونانستان ، بلغارستان ، صربییه ، قره طاغ اهالیسنی ، شاهد حریتی دراغوش ایتش ، اللرنده رنگا رنگ چیچک دمتری ، اومحوبه دلارایه تقدیم ایتک اوزره ، بزم برقسممز اللرنده کی چوکانه کووه نه رک جادوی استبدادی تلله مش ، پوللامش ، بر فاحشه بی ناموس کی یوزینه پودره لرده سورده رک اقسام سائر ملته مشوقه حریت شکننده کوسترمکه چالیشمقده فقط زواللی ملتک انده چوکن دکل ، دکنک دکل ، دیشنی قاریشدر جق بره لال بیله اولمدینی حالده اوکابوس بالایی برمتاع صانه رق قاووشمغه شتابان اولمقده ، زیرا کوریورکه : بر محاس مشورت عیش ونوشده کیفلر کرماکر ، بری طرفنده بر داوول برده سرناظین انداز . زواللی ملتده اودرنه که قوشیور کی بر طورده لیکن چوکنلی ادملردنه قورقار کی بر وضعیته ، بر طابلو ترسیم ایدرک . امید وارم که : قلمله عالم ، یاخود دالقاووقله قره کوز رفقامن شوزمینده لیکن باشقه باشقه شکلرده برر طابلو ترسیم ایدرک .

اوله یا ! حریت نامی التنده بر مشروطیت اداره . حالبوکه : استبدادک قاتمرلیدی ، بر محاس مبعوثان که : اعضاسی متحیر ، بر چوغی

شاشیرمش قلمش ، ایستیلان سوز سویلنمدیمی ، تهدیدلره قاریشیق بر چوق کورلتولر ، یاخود مکتب چوجقلرینه ایدیلان تلقینات کی حالار صدر اعظمندن ایضاحات طلب اولنه جق ، اک ایلرو کلنلر صالونده ، فداکاران ملتدن انیم وارمی یوقی دیه تحقیقاتده ؛ بر چوق کیمسه لر البسه دائمه سنندن بالتجرد ، بتون اعضالری اسقاندیلده ، زیرا اعضالر بر لرینی طانیور ، تبدیل جامه ایدنلر ، کندولرینه اعضالق سوسی ویرمش بر حالده ، ونه یاهلم کامل پاشا سقوط ایتزسه اختلال حقیقه جنی محقدر دینمکده ؛ طوغربسی بنده اعضا اواسهم بر کامل پاشا ایچون مملکتی اختلاله ویرمزدم آ !! بریسی بر تلغراف چکیور ، بک اوغلنده اختلال واردر دیور ، مسؤولیت قبول ایتیه جکنی بیان ایدیور ، دیگرلری همان صدر اعظم کلنلر ایضاحات ویرسون ، یاخود کتیریرز ، دیور ، بونلرده دقیقه سننده صدر اعظمه اخبار ایدیلور ، عجا کتیریرز ، دیانلر نه کی برواسطهیه مراجعت اید بیله . جکلردی ، بونی کیم واردرکه : بیامسون ؟ وکامل پاشایه خبرلری کتورنلر کیملردی . والحاصل بر محررک برارلق محاس مبعوثانه قارش بر لحظه اواسون ذوق الم ایچون ، یشاسون کامل پاشا دیدیکی کی ، بزده شمدی بوغلبه لکه بو کورلتویه قاتلمش اولمق ایچون یشاسون حریت ! یشاسون مشروطیت ! دیمکه محبور اولدق .

هانکی حریت ، هانکی مشروطیت دیه بر سوال ایراد ایدلسه ، ایشه شو آچیق !! عباردی مقاله مزده مشهود !! اولان حریت !! و مشروطیت تامه !!! دیه جواب ویریرز .

شورای امت رفیتمزک الی ماشاء استونلری باشند باشه تلغرافلره ، تهدید تلغرافلریله طولو . فقط بو هجوم تلغرافلری . مقاله لری اراسنده نظر دقتیزی جلب ایدن بر شی واردرکه : مهاجرلر سلائیکی اوتیه کچمیورلر . عجبا حکمتی ؟ « نیر حقیقت » که : مناسر اتحاد و ترقی جمعیتک مروج افکاریدر ، ۷۴ نومرولی نسخه سننده

صدر اعظم حسین حلمی پاشا حقنه « شدلی بر مستبدر ، اک بیوک بر طرفدار ستبدادر ، پک سردیکی بر چهره استبداده اووشمق ایچون اشکنجهلره ، تضیقاره ، موافقدر دیمه مک کنیدیسی ایچون ممکن اوورمی ؟ » دیدیکی حالده ، ینه اتحاد و ترقی جمعیتک هر نه قدر بر مدتنبری بر ریا پرده سیه اوصفتی ستر ایتش ايسه ده ینه جمعیت مذکورده نک « مروج افکاری اولان شورای امت ، دونکی نسخه سننده مشار الیه « حسین حلمی پاشا حضر تلرینک فعالیت ، جدیت ، وفانت سیا . سیه سنی بیلنلر ، هر وقت تقدیر ایدر ۰۰۰ روم ایلده اتحاد ایتش اولدینی مسلك ثباتکارانه سایه سننده بتون اوروپالیرک مظهر تقدیری اولدی . مشار الیهک باش وکالتنه تعینی داخله نه قدر حسن تأثیری موجب اولای ايسه خارجاده اولدیغنه شبهه ایتیز » دیمی جمعیت اراسنده لزومی درکار اولان وحن افکاره قاطباً مخالفدر . چونکه بر شی هم ایی ، هم فنا اوله ماز ، اولور دینیلیرسه بالطبع تضاد حاصل اولور . و برده « نیر حقیقت » غزته سنی ینه مذکور نسخه سنک برنجی ستوننده اولکی تبدل وکلای یازدینی حالده هیچ بر بیاز مطالعه ده بولنماشدر .

حالبوکه : استانبول مرکزی ، طبیعی اولان بر تبدلی استبداد ، ارتجاع بونجوقلریله سوسله دکن صکره ، ایکنجی اردو داخلنی تهییج ایتشدر . بر چوق صاف وصمیمی ذوات حریتپرستاندن بر چوق تلغرافلر الهرق نشر ایتشدر بز بو آدملری جداً تدیر ایدر وستایشلره الیق کوریرز . فقط بونلرک صمیمیتندن بالاستقامده مملکتده فکر ارتجاع واردر دیمک بیوک بر حقمنز لقدر . یرا بزده بو ملتک افراندنر و همده دوشونه بلنلردنر بو مسئله ده ارتجاع فکری اولدینی اثبات ایدن وارسه بن ، کندی حسابمه ، نورشونه دیزلمکه راضی یم . راضی یم چونکه بویله بر فکرک موجودیتندن خبردار اوق دکل ، جریان ایدن احوال دن اولسون استنات ایدر